

Universitätsbibliothek Paderborn

**Dissertatio Triplex Theologica, Ad Mentem Præclarissimi
Ecclesiæ D. S. P. Avgvstini, (Cui consonat Doctor
Angelicus cum Melliflvo,)**

Schweitzer, Johannes

Coloniæ Agrippinæ, Anno M.DC.LXXXII.

Responsio tertia. Serpens fuit callidior cunctis animalibus, non tantùm propter propriam calliditatem, sed etiam alienam diaboli in illo loquentis.

urn:nbn:de:hbz:466:1-39320

& distinguit à diabolo, dicens: *Nec sanè debemus opinari, quòd serpentem sibi, per quem tentaret, persuaderetque peccatum, diabolus elegerit, &c. non nisi per illud animal potuit, per quod posse permisus est.* Et lib. 14. de Civ. c. 11. dicit, quòd *Diabolus colubrum in Paradiso corporali, --- ubi animalia etiam terrestria cetera subdia& innexia versabantur, animal scilicet lubricum & tortuosis anfractibus mobile operi suo congruum, per quem loqueretur, elegerit.*

Dico secundò: Secundūm S. Augustinum Diabolus fuit locutus per serpentem, sicut Angelus per asinam Balaam. Patet ex cit. lib. de Gen. c. 29. ubi ait: *Sic ergo locutus est serpens homini, sicut asina, in qua se-debat Balaam, locuta est homini, nisi quòd illud fuit opus diabolitum, hoc anglicum &c.* Modum autem loquendi indicat capite præcedenti, ubi ait: *In serpente ipse locutus est utens eo velut organo, movensque ejus naturam eo modo, quo ille movere, & moveri illa potuit ad exprimendos verborum sonos, & signa corporalia, per quæ mulier suadentis intelligeret voluntatem.*

Dico tertidò: Serpens fuit callidior cunctis animilibus, non tantùm propter propriam calliditatem, sed etiam alienam diaboli in illo loquentis. Ita Augustinus lib. cit. cap. secundo his verbis: *Serpens autem erat ibi prudentissimus quidem, sed omnium bestiarum, quæ erant super terram, quas fecerat Dominus Deus.* Translato enim verbo dictum est *prudentissimus*, vel, sicut plures latini codices habent, *sapientissimus*, non proprio, quo in bonum accipi solet, *sapientia Dei vel Angelorum, vel anima rationalis: tanquam si sapientes apes etiam, formicasque*

que dicamus, propter opera velut imitantia sapientiam. Quanquam iste serpens non irrationali animâ suâ, sed alieno jam spiritu, id est diabolico posset sapientissimus dici omnium bestiarum. Quantumlibet enim pravaricatores Angeli supernis sedibus suæ perversitatis & superbiæ meritò dejecti sint, natura tamen excellentiores sunt omnibus bestijs propter rationis eminentiam. Quid ergo mirum, si suo instinctu Diabolus jam implens serpentem, eique spiritum suum miscens eo more, quo vates dæmonium implere solet, sapientissimum reddiderit omnium bestiarum secundum animam vivam, irrationalemque viventium? S. Bernardus serm. 2. in Annunt. Domin. dicit, quod scientia serpenti non defuerit, qui callidior describitur ceteris animalibus, sed pietatem malignus non habuet, qui ab initio factus est homicida.

Quæres: Quis fuerit sensis interrogationis factæ à serpente V. G. hujus: Cur præcepit vobis Deus, ut non comederetis ex omni ligno paradisi?

Respondeo Augustinum loc. cit. cap. 30. approbare hanc interpretationem: Quare præcepit vobis Deus, ut de nullo ligno paradisi comederetis? hinc mulier interrogationem diaboli supponentis mendacium quasi correxit respondendo: De fructu lignorum quæ sunt in paradyso vescimur. Ideo prius, inquit S. Augustinus, interrogavit serpens, & respondit hæc mulier, ut pravaricatio esset inexcusabilis: neque ullo modo dici posset, id, quod præceperat Deus, oblitam esse mulierem.

Objicies contra dicta primò: In S. Scriptura dia-bolus sine corpore assumpto vocatur serpens, ut Apoc. 12, & 13. ergo per serpentem non significatur animal.

Respon-

Respondeo negando consequentiam. Licet enim in uno loco Scripturæ vox aliqua sumatur metaphorice, ex hoc non bene colligitur in aliis etiam sic sumi. Ipsa autem verba: *Serpens dixit ad mulierem, & mulier respondit*, satis innuunt, fuisse colloquium sensibile, ac proinde per corpus assumptum. Respondit enim mulier ad verba, quæ audiebat proferri à viso serpente, qui dicitur cæteris animantibus callidior.

Objicies secundò: Dicitur de illo serpente, qui locutus fuit Evæ, quod fuerit callidior cunctis animalibus terræ; sed hoc non potest verificari, nisi de dæmoni; ergo per serpentem significatur solus dæmon.

Respondeo conformiter ad conclusionem tertiæ, si fiat comparatio per metaphoram, convenire dæmoni, qui loquebatur per visibilem serpentem, non solum respectu bestiarum, sed etiam hominum, omnibus enim est callidior. Sed hoc non obstante, si fiat comparatio cum brutis, propriè dicitur serpens visibilis callidior cunctis propria calliditate; est namque animal illud ex natura sua valde astutum, ut notarunt Authores, qui de animalium natura scripsierunt; & ideo Christus Matth. 10. ait: *Estote prudentes sicut serpentes.*

Objicies tertio, Moyses dicit serpentem fuisse locatum, & non facit mentionem miraculi facti: ergo non fuit illi sermo de locutione exteriori, sed de interna instigatione. Probarur consequentia, quia verus serpens non potuit loqui, nisi miraculosè: suggestio autem interior potuit à dæmonе fieri naturaliter. Respondeo negando consequentiam & probationem e-

jus. Non enim fuit necessarium, cùm potuerit dæmon virtute naturali mouere serpentem ad exprimerdos illos sonos, ut dictum fuit in probatione conclusionis secundæ ex S. P. Augustino. Ad suggestionem interiorem præter aut contra rectam rationem quod attinet, non potuit secundum S. Augustinum & S. Thomam 22dæ qu. 165. a. 2. dæmon in illo statu, ante peccatum, immediate per suggestionem merè internam, id est per motionem phantasiæ & appetitus sensitivi præter aut contra rationem, tentare Ewam. Hoc enim erat contra rectitudinem originalis instituti, & contra decentiam suavis Dei providentiæ, juxta quam, quādiu ratio erat subiecta Deo, inferior pars non poterat inordinate contra illam moveri, ac proinde nec Eva merè internè tentari, eò quòd interna suggestio seu tentatio non fiat, nisi per internam mutationem portionis inferioris inordinatam, id est, phantasiæ & appetitus sensitivi, quod fieri tali modo non decebat. Hinc etiam Christus tali modo tentari non potuit, licet tentatus fuerit externè.

Objicies quartò: Potuit dæmon tentare Ewam per simulacrum serpentis, sicut tentavit Christum per corpus hominis assumptum: ergo serpens, per quem locutus dicitur, non fuit verum animal. Respondeo negando consequentiam, & dico cum S. Augustino loc. supracitato: *Non nisi per illud animal potuit, per quod posse permisus est.* Cur autem non fuerit permisus aliter tentare, Deus novit.

Quæres: Quare Deus permiserit primos homines tentari? Respondeo cum S. Augustino lib. II. de Gen.

ad

ad litt. c. 6. Sic autem quidam moventur de hac primis
 hominis tentatione, quod eam fieri permisit Deus, quia
 nunc non videant universum genus humanum diaboli in-
 sidij sine cessatione tentari, cur & hoc permittit Deus?
 an quia probatur & exercetur virtus, & est palma glorio-
 sior, non consensisse tentatum, quam non potuisse tentari:
 cum etiam ipse, qui deserto Creatore eunt post tentatorem,
 magis magisque tentent eos, qui in verbo Dei permanent,
 praebeantque illis contra cupiditatem devitacionis exem-
 plum, & incutiant contra superbiam timorem pium. Vnde
 dicit Apostolus: Intenders teipsum, ne & tu tenteris.
 Mirum est enim quantum ista humilitas, qua subdimur
 Creatori, ne tanquam ejus adjutorio non egentes, de nostris
 viribus presumamus, per scripturas omnes divinas curae
 continua omnibus commendatur. Cum ergo etiam per
 injustos justi, ac per impios pii proficiunt, frustra dicitur:
 non crearet Deus, quos praesiebat malos futuros; cur enim
 non crearet, quos praesiebat bonis futuros, ut & utiles
 eorum bonis voluntatibus exercendis, admonendis-
 que nascantur, & justè pro sua mala
 voluntate punian-
 tur?

